

Message Three

**Daniela Hte Shi A Mănaw Mănang Ni Hta Mu Lu Ai
Dang Lu Ai Ni A Awng Dang Ai Lam**

Htina chyum daw, Dan.1-6

I. Mădu Kărai bai lu la ai lam a mādung mähkrum mäsä hpe “Daniela hte shi a mănaw mănang ni” (Shadrak, Meshak, Abed-nego) hte arau mu lu ai, dang lu ai ni hku nna shanhtë gaw Satan a hkălem hkălauu lam ni a ntsa, shanhtë a awng dang lu ai lam hta Kărai Kăsang hte hpring hpring lăngai sha byin ai ni rai ma ai-Dan.2:13, 17, mādun; Shr.17:14, Mat.22:14.

- A. Daniela hte shi a mănaw mănang ni hpe Nat mătse hte seng ai agung alau lam hta ě, Nebuhkadneza gaw Kărai Kăsang ě mădu hkrum da ai ni re lam mădi mādun ai amying shingteng ni kaw nna, shanhtë hpe gawngngu sumla hte lăngai sha byin mat wa na amying shingteng ni de gălai kau ya wu ai – Dan.1:6-7.
- B. “Kărai Kăsang gaw Tăra agyi wa rai nga ai” ngu ai Daniela amying hpe “Bela a du wa” (snr) “Bela a shărawng awng dik htum” ngu lăchyum lu ai “Belteshaza” de gălai kau ya wu ai-Esa.46:1.
- C. “Ya gaw Chyĕju hte jaw da sai” (snr) “Ya a myi măsın hte hkrum ai wa” ngu lăchyum lu ai Hanania amying hpe “Jan hpara e nhtoi jaw ya hkrum sai” ngu lachyum lu ai Shadrak ngu ai de gălai kau ya ai.
- D. “Kărai wa, Kărai hte bung lu na rai ta?” ngu lăchyum lu ai Mishaela amying hpe “Kădai wa gaw Shak hte bung na rai ta?” ngu ai Meshak măga de gălai kau ya ai.
- E. “Ya gaw kărüm ningtum ya ai” ngu nna lăchyum lu ai Azaria amying hpe “Wan kărai Nega a sădi dung ai măyam wa” ngu lăchyum lu ai Abed-nega de gălai shămying kau ya ai.

II. Daniela hte shi a mănaw mănang ni gaw nat hte seng ai mălu măsä a ntsa awng dang lu ma ai-Dan.1.

- A. Nebuhkadneza a nat hte seng ai agung alau gaw shawng ningnan bawng dung hkrum ai Kărai a lăta la hkrum ai ni kaw nna yu hkrat wa ai lak lai ai măräi măli- Daniela hte shi a mănaw mănang măsüm hpe gawngngu sumla ni de nawng jaw tawn ai shi a n san n seng ai mălu măsä hte rau awu asin byin mat mu ga; gung lau ai lam rai nga ai.
- B. Daniela hte shi a mănaw mănang măräi măsüm gaw dai mălu măsä ni hpe lu sha ai rai yang, dai gaw awu asin lam hpe la sa wa ai lam, gawng ngu sumla ni hpe la sa wa na lam byin wa na rai ntawm, Satan hte lăngai sha byin mat wa shăngun na rai nga ai-Mădun; 1Ko.10:19-21.
- C. Daniela hte shi a mănaw mănang ni gaw Nebuhkadneza a nsan seng ai mălu măsä ni hpe sha na ningdang kau nhtawm, nam law nam lap hpe sha; sha na myit daw dan ma ai lam gaw (Dan.1:8-16) mähkrum mäsä hta ě shanhtë mähtrang kăja ai hte n kăja ai hpe chye chyang ai hpun (mădun; Nin.3:1-6) hpe ningdang kau let, shanhtë hpe Kărai hte lăngai sha byin shăngun ai asak hpun hpe la lang ai lam rai nga ai (Mădun;2:9, 16-17).
- D. Mădu Kărai a bai lu la ai lam gaw Hpung mähtrang gawgap ai lam a mătu Yĕsu hpe lu sha ai a mărang ě bai lu la ai lam rai nga ai- kăji 9:16-17, Shr.2:7, 17, 3:20.
- E. Anhtë gaw Mădu a mungga ndat ni hpe lu sha ai a mărang ě, san seng ai myit măsın hte Mădu hpe shăga ai ni hpan de ahkyak tawn mătut mähkai ai hte shanhte hte arau nga nga ai a gawp ě, Yĕsu hpe lu sha lu ga ai-Esa.15:16, 2Tm.2:22, 1Ko.15:33, Gsh.13:20.

III. Daniela hte shi a mănaw mănang ni gaw shinggyim lăbau kăta hta na Kărai hte seng ai lăbau hku; kăba la ai măsä sumla hte adawt agrawp na nlung hpe mu ai a mărang; măsä ni hpe hkum pat nga ai Nat hte seng ai myit shămap shăkyaw kau ya ai lam a ntsa dang lu lai ma ai-Dan.2:

- A. Nlung hte bum kăba, num ningnan hte arau la ningnan, Kărai a asak nbung hte arau Kărai a gum hpawn tawn ai măsä hku nna gumhpawn da ai Hkristu gaw Antihkristu hte shi a hpyen dap ni hpe Mădu a mungga kaw nna asak nbung, ningtawng ninghtu hte shămyit sat na rai nga ai-Kăji.34-35, 44-45, 2Ht.2:8, Shr.19:11-21, Nin.11:4-9, Mădun; Esa.33:22.

- B. Kārai gawgap ai lam a ahkrung nga let, mānu dan ai nlung, wa hpang nlung, jut nlung, ningjut nlung rai nga ai Hkristu gaw mānu dan ai lam hku nna tinang nan hte anhtē hpe jāhpring ya nga ai rai nhtawm, anhtē hpe Mādu a gawgap ai lam a mātu hkrung ai mānu dan ai nlung ni hku hkrang nsam gālai shai ya nga ai-1Pet.2:4-8, Esa.28:16, Zeh.3:9, 3:7, 9-10.

IV. Daniela hte shi a mǎnaw mǎnang ni gaw gawngngu sumla naw ai agung alau a ntsa awng dang lu ma ai-Dan.3, mǎdun; 4:9-0.

- A. Anhtē a ningnan shāngai hkrum sai wēnyi hta na jet Kārai n re ai lam yawng mǎyawng gaw Kārai hpe mǎlai bang tawn ai gawngngu sumla nan rai nga ai. Wēnyi hta n nga ai (snr) wēnyi a lam ni n rai nga ai lam ma hkra gaw gawngngu sumla rai nga ai-1Yhn.5:21.
- B. Hkumhkrang a hpyen wa gaw tinang a tinggyeng myit shang sha lam, tenggyeng shāgrau shātsaw lam, tinggyeng sāri sādang, tinggyeng tsawm htap lam hte tinggyeng atsam ni hte Kārai hpe mǎlai bang tawn ai dai tinggyeng nan rai nga ai. Hkumhkrang hta, Hkumhkrang a mātu anhtē gaw tinggyeng hpe nyet kau nhtawm, tinang hkum tinang nhtawn tsun ai sha, Hkristu Yēsu hpe Mādu hku nna htawn tsun ra ai-Mat.16:24, 2Ko.4:5.
- C. Daniela a mǎnaw mǎnang ni hta jet ai Matura a wēnyi nga ma ai. Shanhtē gaw shābung n lu ai Kārai hku nna Mādu Kārai a mātu tsap nga let, tinang a asak hpe ap kau nhtawm, Nebuhkadneza gaw shanhtē hpe grung hkru nga ai wan nawng kǎta de kǎbai bang hkrum na aming jāhkrat hkrum ai kaw du hkra gawngngu sumla nawku ai lam hpe ningdang kau ma ai-Dan.3:19-23.
- D. Nebuhkadneza gaw wan nawng kǎta de yu ai shāloi, wan nawng kǎ-ang hta hkawm sa nga ai mǎsha mǎrai mǎli hpe mu lu wu ai (Kǎji.24-25). Mǎli ngu na wa gaw Shinggyim Mǎsha Wa rai nna, Lak lai grau htum ai Hkristu rai nhtawm, tsin yam hkrum sha ai, zing ri zingrat hkrum ai Mādu a dang lu ai mǎrai mǎsum hte arau nga nga ya na yu sa wa nhtawm, wan nawng dai hpe hkawm sa hkawm wa pyaw hpa shāra shābyin dat ai.
- E. Dang lu ai mǎrai mǎsum gaw Kārai Kāsang hpe shanhtē hpang wan nawng kǎta kaw na hkye la na mātu akyu hpyi pyi n ra ai (Mǎdun; kǎji 17). Shinggyim mǎsha rai nga ai Hkristu- yawng mǎyawng hta Kārai a mǎsha ni hte arau mǎtsan dum lāma na, mǎrai hpring let, dang di dang dep lu ai Mādu (Heb.4:15-16) gaw shanhtē a mǎnaw mǎnang wa hku yu sa wa nna, Mādu a myi man a mǎrang ē shanhtē a tsin yam tsin dam hkrum sha na shāra hpe shārawng awng hpa mǎsa lam shābyin ya let, shanhtē a tsin yam tsin dam hkrum sha ai hta shanhtē hpe lānu lāhku ya nga ai.

V. Daniela hte shi a mǎnaw mǎnang ni gaw mǎsha ni hpe sumsing ni a Kārai a mǎrang, sumsing ni a up hkan lam hpe mu lu na lam kaw nna, hkum pat da ya nga ai mǎgap da lam hpe dang lu ma ai.

- A. Hkristu a shawng numshawng shāra a mātu mǎra; Mādu a mǎsha ni byin wa lu mu ga; Kārai ē lāta tawn ai ni hku nna anhtē gaw Hkristu hpe shawng numshawng shāra hta tawn da lu na mātu mǎra; Kārai a sumsing hte seng ai up hkan lam npu hta nga nga ga ai-kǎji18, 23-26, Rom.8:28-29, Kol.1:18b, 2Ko.10:13, 18, Esa.9:23-24.
- B. “Shi gaw gumrawng gumtawng ai ni hpe shāgrit kau lu nga ai”-Dan.4:37b.

VI. Daniela hte shi a mǎnaw mǎnang ni gaw Kārai a man hta lu ban sha ban ai hte Mādu a chyoi pra ai lam hpe roi n ra gālaw ai a mǎhtai hte seng nna; n chye n chyang ai lam a ntsa dang lu ma ai-Dan.5.

- A. Belashaza gaw Yerusaleml hta Mādu a chyoi pra ai nawku htingnu ē, Kārai hpe nawku nawng jau na mātu rai nga ai ja gawm ni hpe la let, dai ni hpe Gawngngu nawku nawng jau na hta jai lang let, Kārai a chyoi pra ai lam hpe roi n ra gālaw lai wu ai (Kǎji.4). Shi gaw Nebuhkadneza a mǎhkrum mǎdup kaw nna shārin shādum la ging ai rai nga ai (4:18-37), raitim shi gaw shārin la ai lam n nga ai sha, mǎhtai hku nna tsin yam hkrum sha nu ai (5:18, 20, 24-31).
- B. “Ndai Daniela hta, nyan kaja, chye chyang ai myit, hpaji byeng-ya hte yup mang chye hta ai, makoi magap lam chye shapraw ai, gumwai ga chye malan ai nyan rawng nga ai.”-Kǎji 12a.

- C. “Nang shi a kasha Belashaza e, ndai lam yawng hte hpe chye ninglen, na a myit hpe shagrit da wu ai, n rai; samsing lamu na Madu hpe nang shinggan kau nna, shi a nta na gawm ni hpe, na a man de shashawn nhtawm, nang hte na a agyi salang ni, numdung num ni hte lashi num ni, dai gawm ni hta tsabyi jahku lu nga ma hka; dai hta n-ga, myi n mu, na n na, hpa mung n chye ai gumhpraw, aja, magari, ahpri, hpun hte nlung hpapa ni hpe nang shakawn kungdawn nna, na nsoi nsa Madu ngu ai, na a lam yawng hpajang tawn da ai Karai Kasang hpe, nang shagrau sha-a ai n rai”-Käji 22-23, mädun; käji 20.

VII. Daniela hte shi a mänaw mänang ni gaw Kärai hpe nawku hkungga ai lam hta dang lu ai ni a sädi dung ai lam hpe hkum pat shingdang ai mäkoï mägap lam n tsa dang lu ma ai-Dan.6.

- A. Dan 6 a kä-ang dāju gaw Kärai a yaw mäsing hpe gunhpai ai lam a mätu shinggyim mäsha a akyu hpyi lam rai nga ai. Daniela gaw mäsha n dang di lu ai lam hpe gälaw lu na mätu hte mäsha n chye na lu ai lam hpe chye na lu na akyu hpyi ai lam a ntsa shämyet shänat lai wu ai. Kärai a yaw mäsing hpe hpring tsup shängun lu ai kätä de, ngut kre hpring tsup ai kätä de la bang hkum lu na mätu mära akyu hpyi ai lam hta lai nna, käga lädat n nga sai. Ndai gaw ndai daw käba a kätä daw mäkoï mägap lam rai nga ai.
- B. Daniela gaw Yerusalem märe de shi a hkuwat hpe hpaw let, läni mi mäsum lang akyu hpyi wu ai. Shi a akyu ara jaw ai akyu hpyi lam a mărang ẽ, Kärai Käsang gaw Israela amyü mäsha ni hpe shanhtë a jiwoi jiwa ni a mung de bai shäga woi wa ya wu ai (käji, 10, mädun; 1Hk.19:12, 18). Kärai Käsang gaw anhtë a akyu hpyi lam mähtang, Kärai a htani htana yaw mäsing hta bandung hku nna Hkristu hpang de (Chyoi pra ai lämu ga), Kärai a mungdan hpang de (chyoi pra ai märe) hte Kärai a nta de (chyoi pra ai nawku htingnu) byin wa ai shäloi, anhtë a akyu hpyi ai lam hpe mädat mära ya na rai nga ai-8:48-49.